

per pocné s' bashkut tui u-marre ngryke si vllaxen ci ishin kéné e ishin. Ghith s' bashkut permysné bréghét ci ishin kéné per rréth e per miét t' ghytétit per cinnrése e gosta e darke e gximé u-pertriiné per dite tui u-thirre gnéna âne e tiétra per saa dite nnéi Skanderbégū n' at vénne me ushtrii t' véta. Robt kiéné lirue paa fare shperblimit e ghith ch' i kiè marre Vénédikut n' at rréth kiè lshue m' at dite.

N' gxim t' ktii paitimit ci e lété maa t' lire m' u-shterngue n' cinnrése kahe ishté droie maa e madhé, Skanderbégū choi préie Dcietme ushtrii t' véta e rishtas u-nis kahe vénnet e Turkut tui pertrii ghith kahe xiérm, plachke e rrénim. Mé saa ghaana ci plachkitté per dite Skanderbégū s' i rannohéi t' vétvé per rrénese t' ushtriivé pse t' shumen e fitoshin véte.

Mas ktyné plachkimévé Skanderbégū e dau triish ushtriin tui lane gni piése n' rréth t' Maghédhonii per roie, gni piése tiéter e la t' lire me kthyé nner shpiia t' véta e tiétre e maaiti me vedi e kthéi me té n' Krue.

Mas disaa ditesh ci ghinnéi Skanderbégū n' Krue permkames t' nneerushem kiéne chue préie Vénédikut me shéié e me dhuntii t' mdhaa e me gni lété me t' tsillen ch' me at dite Skanderbégū gniiféi ghytétas i Vénédikut, ci ishté shéié maa i madhi i nneerimit ci muishin me i dhane, e émni i tii do t' shkruhéi n' liber arit, sikur i thoshin, ku vech shpiiat maa t' parat e maa t' perménnunat muishin m' u-ghéte. Gni hérít me atò shéié Républika emnoté Skanderbégún sunnimtaar t' pare t' ghith atyné vénnevé ci sunnoté n' dhee t' Epirit tui e gnéhé n' kame t' vet.

Kto fare nneerimésh t' dhanuna e shternguené Skanderbégún e me té ghith Shcyptaret tiére me Vénédik e micsiia e pare shkoj tui u-rrite e tui shtue per dite maa fort e cinnroi nnermiét déri saa e lire cinnroi Scypnia.